



Broj: 21-01-49-6-4
Sarajevo, 14.01.2019. godine

Na osnovu člana 70. i člana 87. stav 3. Zakona o javnim nabavkama ("Službeni glasnik Bosne i Hercegovine", broj 39/14), člana 6. Pravilnika o postupku direktnog sporazuma ("Službeni glasnik Bosne i Hercegovine", broj 90/14), člana 13. Zakona o Kantonalnoj agenciji za privatizaciju ("Službene novine Kantona Sarajevo", broj 6/97, 7/00 i 19/11) i člana 24. Statuta Kantonalne agencije za privatizaciju ("Službene novine Kantona Sarajevo", broj 19/00 i Odluka o izmjenama Statuta Kantonalne agencije za privatizaciju broj 21-01-19-133/11-el od 26.08.2011.godine), direktor Kantonalne agencije za privatizaciju d o n o s i

ODLUKU

o izboru najpovoljnijeg ponuđača i dodjeli ugovora u postupku direktnog sporazuma

I

Prihvata se ponuda Almira Dervišbegovića, advokata iz Zagreba, Republika Hrvatska, zaprimljena dana 14.01.2019.godine putem e-maila na adresu: kapsa@bih.net.ba, i istom se dodjeljuje Ugovor za javnu nabavku usluga zastupanja Kantonalne agencije za privatizaciju do 31.12.2019.godine, za ponudenu cijenu u iznosu od 2.025,00 EUR, što je ukupno 3.960, 55 KM bez PDV-a (obzirom da se radi o uslugama van Bosne i Hercegovine i na iste se ne obračunava PDV), kao najniža cijena tehnički zadovoljavajuće ponude.

II

Prijedlog Ugovora o nabavci dostavit će se na potpis izabranom ponuđaču, Almiru Dervišbegoviću, advokatu iz Zagreba, po proteku roka od 5 dana, računajući od dana od kada je ponuđač obaviješten o izboru najpovoljnijeg ponuđača.

III

Za realizaciju ove Odluke zadužuje se Sektor za zajedničke poslove.

IV

Ova Odluka objavit će se na web stranici Kantonalne agencije za privatizaciju www.kapsa.ba, istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama.

V

Ova Odluka stupa na snagu danom donošenja i dostavlja se ponuđaču koji je učestvovao u postupku javne nabavke a u skladu sa članom 71. stav 2. Zakona o javnim nabavkama.

o b r a z l o ž e n j e

Postupak javne nabavke pokrenut je Odlukom o pokretanju direktnog sporazuma broj: 21-01-49-6 od 11.01.2019.godine.



Hamida Dizdara 1, 71000 Sarajevo;
Telefon: (+ 387 33) 56 00 30; Fax: 56 00 35
WEB: www.kapsa.ba; E-mail: kapsa@bih.net.ba
Transakcijski račun: 1601110000008846
Identifikacioni broj: 4200286290004
Porezni broj: 01076255

Procjenjena vrijednost javne nabavke bez PDV-a je 3.960,00 KM.

Poziv za dostavu ponude upućen je ponuđaču Almiru Dervišbegoviću advokatu iz Zagreba.

Komisija za javnu nabavku imenovana je Rješenjem broj: 21-01-49-11-1 od 25.01.2017.godine i Rješenjem o izmjenama Rješenja o imenovanju Komisije za javne nabavke u postupku direktnog sporazuma broj: 21-01-49-11-2 od 24.01.2018.godine.

Komisija za javnu nabavku dostavila je direktoru dana 14.01.2019.godine Zapisnik o ocjeni ponuda sa preporukom o izboru najpovoljnijeg ponuđača broj: 21-01-49-6-2 od 14.01.2019.godine.

U postupku donošenja ove Odluke, posebno je cijenjena činjenica da je Komisija za javnu nabavku blagovremeno i pravilno izvršila ocjenu ponude, u skladu sa Zakonom javnim nabavkama i Pravilnikom o postupku direktnog sporazuma, o čemu je sačinila odgovorajući zapisnik, u kojem je utvrđeno sljedeće:

- da je ukupan broj pristiglih ponuda: 1 (jedna);
- da je blagovremeno zaprimljeno: 1 (jedna) ponuda;
- da neblagovremenih ponuda nije bilo;
- da je ponuda ponuđača Almira Dervišbegovića, advokata iz Zagreba, prihvatljiva.

Naime, izabrani ponuđač je za predmet nabavke ponudio paušalni iznos od 2.025,00 EUR.

Iz navedenih razloga primjenom člana 64. stav 1. tačka b) Zakona o javnim nabavkama, te odredaba Pravilnika o postupku direktnog sporazuma, odlučeno je kao u dispozitivu.

Pouka o pravnom lijeku: Protiv ove Odluke može se uložiti žalba, najkasnije u roku od 5 (pet) dana od dana prijema ove Odluke.

Dostaviti:

1x Sektor za zajedničke poslove

1x Ponuđaču: advokat Almir Dervišbegović, iz Zagreba

1x a/a

